



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

ODLUKU
o izboru najpovoljnijeg ponuđača

I

Kao najpovoljniji ponuđač u postupku nabavke radova - *radovi na održavanju i popravku krova na objektu „Pčelica“* za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Kula mont“ d.o.o. Zenica.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponude iz člana I ove odluke.

III

Zadužuje se Služba za pravne, kadrovske i opće poslove da pripremi sve predušlove za zaključenje ugovora sa izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi 27.937,89 KM bez PDV-a, i ista se uklapa u procijenjenu vrijednost nabavke iz Plana nabavki za 2019. broj 166/2019, red. br. radovi 1., šifra JRJN 45261920-9.

V

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-2774-1/2019, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-2774-2/2019 od 23.05.2019. godine. Postupak je objavljen na Portalu javnih nabavki BiH broj 1194-7-3-47-3-18/19 od 24.05.2019. godine, a poziv za preuzimanje tenderske dokumentacije sa Portala je upućen privrednim subjektima: „Disk“ d.o.o., „Lović & Co“ d.o.o. i „Samplex“ d.o.o., dok je predmetnu tendersku dokumentaciju u sistemu „E-nabavke“ preuzelo 10 (deset) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 91/2019 od 07.01.2019. godine i Rješenjem o izmjenama rješenja o imenovanju Komisije za odabir najpovoljnijih ponuđača br. 1326/2019 od 04.03.2019. godine, konstatovala je da je blagovremeno ponudu predalo 3 (tri) ponuđača: „Kula mont“ d.o.o. Zenica - broj protokola 01-2964/2019-1, „BK Gradnja“ d.o.o. Zenica - broj protokola 01-3023/2019-2 i „DISK“ d.o.o. Živinice – broj protokola 01-3024/2019-3. Utvrđeno je da ponuda ponuđača „BK Gradnja“ d.o.o. Zenica ne ispunjava zahtjeve tražene tenderskom dokumentacijom i ocijenjena je kao neprihvatljiva iz razloga što je navedeni ponuđač propustio da dostavi kopiju ponude, a što je zahtijevano tačkom 4.1. tenderske dokumentacije, zbog čega je ponuda navedenog ponuđača ocijenjena neprihvatljivom i odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj 39/14). Ponuda ponuđača „DISK“ d.o.o. Živinice ne ispunjava zahtjeve tražene tenderskom dokumentacijom iz sljedećih razloga:



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

- ponuđač nije na odgovarajući način dostavio Izjavu o ispunjenosti uslova iz člana 45. ZJN BiH, tačnije, dostavljena je izjava koja nije ovjerena od strane nadležnog organa, a što je traženo u tački 3.1.2. tenderske dokumentacije u skladu sa članom 45. stav (4) Zakona o javnim nabavkama („Službeni glasnik BiH“ broj 39/14);
 - ponuđač nije na odgovarajući način dostavio Aneks 6. - Izjavu o ispunjenosti uslova iz člana 52. ZJN BiH. Ponuđač je dostavio Aneks 6. popunjen i ovjeren samo od strane ponuđača i izjavu na svom memorandumu ovjerenu od strane nadležnog organa, što je u suprotnosti s tačkom 3.5. tenderske dokumentacije. S obzirom da je izgled navedenog obrasca definisan Uputstvom za pripremu modela tenderske dokumentacije i ponuda („Službeni glasnik BiH“ broj 90/14), ponuđač je propustio da dostavi traženi obrazac u skladu sa Zakona o javnim nabavkama BiH i navedenim podzakonskim aktom;
 - ponuđač „DISK“ d.o.o. Živinice nije dostavio potvrde o uspješno izvršenim ugovorima koji su u vezi s predmetnom nabavkom što je u suprotnosti s tačkom 3.3.1. tenderske dokumentacije i članom 48. stav (2) Zakona o javnim nabavkama BiH („Službeni glasnik BiH“ broj 39/14).
- Ponuda ponuđača „Kula mont“ d.o.o. Zenica ispunjava sve zahtjeve tražene tenderskom dokumentacijom i ista je ocijenjena kao prihvatljiva.

U tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije (Sl. list BiH broj 66/16 od 06.09.2016. godine), ali s obzirom da je pristigla samo jedna prihvatljiva ponuda, planirana e-aukcija nije zakazivana, nego je postupak okončan u skladu s članom 69. stav (1) tačka a) Zakona o javnim nabavkama BiH. Shodno navedenom, Komisija za javne nabavke je dostavila direktoru prijedlog za izbor najpovoljnijeg ponuđača „Kula mont“ d.o.o. Zenica u skladu sa članom 64. stav (1) tačka b) Zakonom o javnim nabavkama BiH.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba direktoru Ustanove u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

DOSTAVLJENO:

1. Ponuđačima
2. Spis
3. A/a



DIREKTOR

[Signature]
Karić Sanja, dipl. iur /

Broj: 01-2774-7/2019
Tuzla, 12.06.2019. god.

[Handwritten signature]